



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Vita B. Francisci Xaverii**

**Torsellini, Orazio**

**Coloniae Agrippinae, 1610**

VII. Bononiam Romamque exemplis & sermonibus iuuat.

**urn:nbn:de:hbz:466:1-42323**

## CAPVT VII.

*Bononiam Romamq; sermonibus iuuat.*

I AM præstituta Hierosolymitanæ peregrinationi dies abierat, neque tamen (obnoxio adhuc hostium classibus mari) spes transmissionis dabatur vlla. Restabat vt ex votorum formula Pontifici Max. addicerent se. Patres ergo communi consilio statuunt, vt Ignatius, Petrus Faber, Iacobus Laines Romam petant; Pontificemq; adeuntes, ei vota & operam suam sociorumq; offerant ad auxilium animorum. Interim cæteri in celeberrimas Italiæ Academias diuisi studiosos literarum adolescentes pietate imbuerent pellicerentq; , si quos Deus ad suum numerum aggregatos vellet. In Academiarum partitione Xauerio Bononiensis obuenit, non minimo illius ciuitatis bono. Namq; vt Bononiam attigit, ad S. Dominici sepulcrum, cuius perstudiosus erat, sacris operaturus accessit. Fortè interfuit rei diuinæ Elisabetha Casilina Bononiensis virgo Deo sacra, ex Dominicanorū sanctissima disciplina. Quæ Francisci sanctimoniam odorata, imperare sibi non potuit, quin cum eo colloqueretur sub sacrum. Colloquiū tale fuit.



vt illa viri sanctitate capta teneretur. Erat  
 Elisabethæ patrus Hieronymus Casili-  
 nus nomine, vir doctus iuxta ac nobilis,  
 idemque S. Petronij Canonicus, & Re-  
 ctor S. Lucie, in cuius ædibus habitabat.  
 Hunc igitur Elisabethæ rogatu Francis-  
 cus adiit, & quâ sermonis comitate, quâ  
 suauitate morum adeò sibi deuinxit, vt  
 ille vltro ac prolixè eum domum suam  
 inuitaret. Et Xauerius talis viri hospitio  
 libenter vsus, conuictum hospitis recu-  
 fauit, mendicato (vtri consuèrat) victi-  
 tans cibo. Obseruabatur interim à Casi-  
 lino eius virtutum admiratore, qui dein-  
 de etiam illarum præco extitit. Franciscus  
 ergo, etsi quòd tum infirma erat valetu-  
 dine, plus animi attulerat quàm viriùm;  
 tamen virtutis ardor, quod viribus dee-  
 rat, abunde suppleuit. Haud secus quàm  
 si optimè valeret (adeò immensa erat de  
 hominibus benemerendi cupido) per o-  
 mnia ferè Christianæ charitatis munia,  
 eximia eius benignitas vagabatur. Quo-  
 tidie re diuina de more facta, ægris in va-  
 letudinariis, vinctis in custodiis inseruire,  
 pueris & idiotis hominibus Christianæ  
 doctrinæ rudimenta tradere, accedenti-  
 um confessiones audire institit. Insuper  
 in triuiis compitisque ad multitudinem  
 verba facere, non assidua magis quàm sa-  
 lubri

*Hospitio  
 utitur  
 Hierony-  
 mi Casili-  
 ni.*

*Sedulitas  
 eius in pro-  
 ximis iu-  
 uandis et-  
 iam cum  
 minus va-  
 leret.*



lubri ratione. Neque enim nouum hoc speciosum & declamatorium concionandi genus, sed vetus illud ardens & prorsus Apostolicum sequebatur. Nullus rationis fucus, ornatusque verborum, sed maximus ardor animi spiritusque; grauisissima certissimaque; sententia, quas veritatis index orationis simplicitas & quasi negligentia commendabat. Oris totiusque corporis conformatio ad modestiam & humilitatem, spirabat eam, quae in animo latebat, sanctimoniam. Emicans ex ore atque oculis pietas facile declarabat, quicquid diceretur, ex intimo animi sensu ardenti que pectore proficisci: quo feruentiora etiam ad auditorum mentes verba, tanquam faces, perueniebant, eorumque voluntates accendebant vehementius: ut satis appareret quam ignitum sit eloquium diuinum, cum ita iactatur ab hominibus, ut suppeditatur à Deo. Nempe erat Xauerio propositum, non gratiam hominum & popularem captare auram, sed in mentibus auditorum Dei timorem amoremque ingenerare; animorum utique salutem, non suae existimationi consulere. Summa porro concionum, ut acerbissimos sempiternosque cruciatus apud inferos improbis constitutos, rursusque aeterna cumulatissimaque praemia

*Concionandi ratio.*

*Summa concionum.*

mia



*Concionū  
fructus.*

*Paupertatis  
amor.*

*Xaverius  
verbis par-  
cus, sed mi-  
rè efficax.*

mia, quæ bonos manent in celo, proponeret: vitiorum quoque foeditatem & virtutum speciem pulchritudinemque non venuste sed grauitè demonstraret. Sic iactum fatumque Dei verbum nec seignibus excipiebatur animis, & optatos Deo Franciscoque ferebat fructus. Complures quippe mortales, Deo beneiuuante, è flagitiorum extracti cœno: non pauci ad frequentem Sacramentorum vsum perducti: magna insuper pecuniarum vis eleemosynarum nomine collata: cuius tamen ille ne teruncium quidem attingebat; sed ea in pauperes diuisa, ipse ostiatim victum sibi quaeritabat, simul egentium necessitati prospiciens, & concionatoriarum dignitati. Quo factum est non modò quod agebat, vt quamplurimi respiscentes piam Christianamque vitam instituerent; sed etiam quod non laborabat, vt eius nomen omnium sermo ac fama celebraret. Nec in concionibus magis, quàm in priuatis sermonibus officisque, mirabilis extitit. Casilin<sup>us</sup> eius hospes, de quo antè diximus, dilibat. Fuisse XAVERIUM verbis pargens eius obseruator, sic commemoratum, sed mirè efficacem. De rebus vtique diuinis tanto animi ardore verba facere solitum, vt auditorum pectora inflam-

flama  
quo  
lamu  
mi se  
maru  
ab se  
rum  
esset  
tides  
mo  
hor  
vicio  
desi  
nis.  
que  
gia  
cise  
gra  
nia  
fua  
Na  
rij  
ius  
tic  
cū  
re  
lu  
de  
ci  
te

flam-



flāmaret. In sacro faciendo, præsertim eo, quod de Christi Domini Passione appellamus, solenne illi fuisse, ab intimo animi sensu ingentem profundero vim lacrymarum. Quo in sacrificio nonnunquam ab se visum in commemoratione viuorum, cū eius animus adeo abstractus esset à sensibus, vt ministri vestem identidem trahentis reprehensionem nullo modo sentiret; nec ante circumactam horam ad societate rediret corporis. Illū vtique (quod de Daniele dicitur) virum desideriorum extitisse, multæque orationis. Igitur hæ res multos ciuū, ipsumque in primis hospitem, ad studium egregiæ pietatis adduxere; & apud eos Francisci etiam post discessum, memoriam gratam ac celebrem fecere. Itaque Bononiæ haud minus diuturna sanctimoniam suæ quàm industriæ reliquit vestigia. Nam Caslinus diuersorium illud Xauerij deinde honore habuit, & sociorum eius vltro citroque commeantium hospitio addixit. Procedente autem tempore, cū Societas IESV domicilium quæreret Bononiæ, non sine Dei nutu ac voluntate, proxima Francisci diuersorio domus ei obuēnit, ipsaque ædes S. Luciae, vbi ille sacrum factitauerat. Quo tempore Xauerianum hospitium sancti

*In sacro æ  
Passione  
Domini  
abstrahitur à sensibus.*



*Domus;* viri memoria, locique religio, in facellum  
*ubi diuer-* vertit: vt idem Xauerij foret & diuersorij  
*satus est,* & sanctitatis monumentum. Porrò id fa-  
*in facellu* cellum, cum aedes S. Luciae reficeretur,  
*versa.* nouo templo includi, & IESV circumciso  
 dicari placuit. Credas illam Societati se-  
 dem diuinitus per Xauerium destinatam.

*Collis hor-*  
*tulorum.*

*In aede S.*  
*Laurentij;*

Bononiensi prouincia bene gesta, Fran-  
 ciscus Romam, vti conuenerat, media cir-  
 citer Quadragesima venit, ANNO  
 M. D. XXXIX. Diuersabantur tum  
 Patres precario sub radicibus Collis Hor-  
 tulorum (Montem Trinitatis vocant) in  
 villa, quam eis Quirinus Garzonius, ci-  
 uis Romanus, honestus pariter ac pius,  
 concesserat. Ibi omnes emendicato vi-  
 ctitantes cibo, nec minùs salutis alienae  
 quàm suae virtutis auidi, rei Christianae  
 communi consensu operam nauare, & in  
 Christi vinea pro se quisq; elaborare sta-  
 tuerunt; rati ex vrbe religionis sede, plu-  
 rimoq; martyrum cruore opima, vberri-  
 mos capi fructus posse pietatis. Primùm  
 igitur rectum consilium rectè atque ordi-  
 ne exequentes, Pontificis Vicarium &  
 Parochos adeunt. Facta vbicunq; vel-  
 lent concionandi potestate, praecipua vr-  
 bis inter se diuidunt templa, Xauerio &  
 Petro Fabro S. Laurentij in Damaso æ-  
 des obtigit, celebris in primis ac nobilis,  
 vbi



ubi alternos inuicem ad populum sermo- *in Dama-*  
 nes haberent. Hac igitur in æde, frequen- *so concio-*  
 ti ac secunda concione, de rebus non di- *nes habet*  
 ctu speciosis, sed vsu necessariis, subinde *ad populū.*  
 differens, haud disparem messuit semen-  
 ti messem; auditoribusque non tam ad-  
 mirationi, quam (quod caput est concio-  
 natoris) saluti fuit. Nam populum Ro-  
 manum crebris sermonibus ad honesta-  
 tem, ad temperantiam, ad crebrum Sa-  
 cramentorum vsu, pro virili parte com-  
 pulit: cæterisque eius sociis eodem sum-  
 ma ope incumbentibus, Romana pietas  
 rursus accendi, & antiquæ Romæ species  
 paulatim redire visa. Nec populum exco-  
 lens Xauerius temeram neglexit ætatem,  
 sed eam vicatim Christianis præceptis ac  
 mysteriis imbuere intentiore cura insti-  
 tit, haud dubius quin ciuitatum confor-  
 matio pendèret potissimum ex discipli-  
 na atque institutione puerili. Inter hæc,  
 Patrum consultationibus decretisque, So-  
 cietas IESV in Religionis formam reda-  
 cta: nec domi solum ipsa fundari cœpta  
 est, verum etiam virtus eius atque indu-  
 stria probari foris; adeo vt Ignatij socio-  
 rum nomen vltimas quoque terras per-  
 uaderet, Deo nouam gentem disci-  
 minare toto orbe terrarum  
 parante.

CAPVT